

**CORDIER (Durand I), notaire de Bruniquel, minutes 1590-1593, f° 366 (v°) & s., Archives départementales de Tarn-et-Garonne, cote 5 E 24444, CC/20240221.**

Testement de damoiselle  
anthoinete de martre femme de  
anto(in)e de( )rauln

Au nom de dieu soit scaichent toutz p(rese)ns  
et advenir que l **an** du salut **mil cinq cens quatre  
vingtz doutze** et le **seitzie(me)** jour du mois de **may**  
a **bruniquel** en quercy apres midy regnant n(ot)re  
souverain prince henry par la grace de dieu roy de  
france et de navarre en p(rese)nce de moy not(aire) royal et  
des tesmoingz bas nommes dans la **maison**  
de monsieur **anthoine de( )r(-)aulin** a este establee  
en sa personne damoiselle **anthoinette de martre  
femme dud(it) de( )rauln** laquelle estant gisante  
dans son lit dans la sal(l)e de lad(ite) maison  
est(-)ant detenue de certaine maladie corporelle la  
grace de dieu [per ]metant ayans toutesfois ses  
bons scens entendemant et par(-)faicte memoire bien  
voyant oyant cognoissant et parfaictemant parlant  
considerant toute creature humayne estre  
sub(-)jecte a la mort corporelle et l( )heure d( )icelle  
estre incertaine soy crainhant de mourir sans  
disposer des biens q(ue) dieu luy a donnees en ce monde  
et aulx fins q(ue) a l( )avenir ne soit aucung different  
proces ny debtes po(ur) raison de sesd(its) biens de son  
bon gre et de licence et [con]sentement de sondit  
mary illec p(rese)nt a faict et ordonne son der(nier)  
nucupatif testement sa derniere disp(osition) et ord(inat)ion  
de ces biens sy apres cesluy cy d au(tr)e n( )en faisant  
comme s( )ensuit premierement a recomandee son  
ame a dieu le createur luy demandant pardon  
de ses faultes et peches au nom de n(ot)re sauveur jesus  
christ le priant la vouloir recevoir en son  
paradis celeste en la vie eternelle item a

.....  
ijj lxvii

volu et ordonne q(ue) quant son ame sera separee  
de son corps que son corps soit ensepvely et  
sepulture ensuivant l( )ordre de la **religion reformee**  
sans aucune seremonie et q(ue) soit donne aulx  
povres de dieu ung escu sol a la volante de  
son here(tier) bas nomme item a donne et legue  
par droit d( )institu(tion) particuliere et hereditaire  
portion a **ellea et olimpe de martre ses seurs** a  
une ch(ac)une d( )icelles ung escu sol vailhant soixante  
soulz et avec ce les a faictes ses heretieres

particulieres et q(ue) ne puissent au(tr)e chose avoir  
en ses biens les hors jectant d iceulx item a  
donne et legue a **jean de( )martre filz a feu pie(rre)**  
son **nepveu** la somme d ung escu sol payable ce  
dessus dans ung an apres son desces et avec  
ce l( )a fait son heret(ier) particulier et q(ue) ne  
puisse demander au(tr)e chose sur sesd(its) biens  
item a donne et legue a **jeanne de combres**  
et **jeanne gaugerande** ses norrisse et chambriere en  
recompence des services que luy ont faictz et espere  
q(ue) luy feront oultre leurs gaaiges a ch(ac)une ung  
escu sol payable dans l( )an apres son desces  
et avec ce les a faictes ses heret(ieres) [par]ticulieres  
et q(ue) ne puissent rien plus demander en ses biens  
les hors jectant d( )iceulx item a donne et l(e)gue  
a **martre d(-)e( )raulin sa fille** l(e)gitime et  
naturelle ert dudit de( )raulin ^o la so(mm)e de cinq(uan)te  
escus sol ensemble les robes que luy sont  
deues sur le bien de **feu jean de( )martre son pere**  
^o par droit d( )institu(ti)on et hereditaire portion

.....

pour reste du doyre a elle constitue par sond(it)  
feu pere item a donne et l(e)gue [par] semble droit  
a **marie ellea de( )r(-)aulin ses filles** et dud(it) de( )raulin a  
ch(ac)une d( )icelle la so(mm)e de cinq(aun)te escus sol et  
semblablement a donne et l(e)gue [par] droit  
d institu(ti)on a **deux** ses **filles gemeles** et dud(it)  
d(-)e( )raulin q(ue) sont encores a **baptiser** a ch(ac)une  
d elles semblable so(mm)e de cinq(uan)te escus sol payable  
ce dessus le jo(ur) q(ue) lesd(ites) filles se marieront  
et a volu q(ue) sy desd(ites) filles moroit sans  
se marier q(ue) led(it) leguat viene aulx surviv(an)t[es]  
par esguals portions item a donne et l(e)gue  
a( )**pie(rre) d(e )r(-)aulin son filz plus jeune** la so(mm)e  
de cent escus sol payable quant se marira  
et a volu q(ue) sy led(it) pie(rre) moroit sans se  
marier que led(it) l(e)guat viene a son her(iti)er  
bas nomme et ce moyenant les a faictz  
ses heretiers [par]ticuliers et q(ue) ne puissent  
demander ]aueh[ au(tr)e chose en ses biens les  
hors jectant d( )iceulx et pour( )ce q(ue) le fondem(en)t  
de tout bon et valable testament e(s)t l( )institu(ti)on  
de l( )heretier universel et general en  
toutz et ch(ac)uns ses au(tr)es biens meubles et  
immeubles p(re)se(n)s et advenir en quelque lieu q(ue)  
soyent et par quelque tiltre q(ue) luy puissent  
appartenir lad(ite) testaresse a fait  
institue et de sa propre bouche nomme  
son heret(ier) universel et general **jean de( )raulin**  
**son filz** legitime et naturel et dud(it) de( )raulin

son mary auquel a volu sesd(its) biens

.....  
ijj lxvijj

appartenir ses l(e)guatz et debtes payes et  
a volu q(ue) sy led(it) jean moroit sans se marier  
q(ue) sesd(its) biens vienent et appartiennent audit pie(rre) d(e) raulin  
item a volu et ordonne qu(e) sond(it) mary anto(in)e  
d(e) raulin soit seigneur mestre et usufructuaire  
de sesd(its) biens tant qu( )il vivra en ce monde  
et ce a volu estre son der(nier) valable testam(en)t  
sy d( )au(tr)e n en faisoit cassant revoquant toutz  
au(tr)es testemens disposi(ti)ons et derniere volante  
sy point en y avoit le p(rese)nt dem(e)urant en  
sa vertu et effiquasse lequel a volu  
valoir par droit de testament codicille disp(osition)  
et derniere volante et [par] donna(ti)on faicte en  
cas et cause de mort et au(tremen)t en la  
meilheure forme q(ue) de droit pourra valoir  
sy a pries les tesmoingz bas escriptz estre  
recors de son p(rese)nt ]test[ testament po(ur) d( )icell(ui)  
porter tesmoinhage de verite et a moy luy  
en retenir inst(rument) faict et recite en p(rese)nces de  
jean de( )hampes consul m(aître)re jean dumas not(aire) r(oya)l  
sire maffre descazalz marchand m(aître)re micheau  
sarrazin chirurgien arnauld grimal jean cavalier  
d antho(in)e barthel(-)emy duborn et jozue cordier habit(ant)  
dud(it) bruniq(ue)l soubz(sig)nes – lad(ite) testaresse n( )a peu  
signer causant la fievre et tremblement de la main et moy

De Hampes, consul

D. Cordier, not(aire) r(oya)l

Dumas, not(aire) r(oya)l p(rese)nt

Descazal, present

Duborn, p(rese)nt

J. Cavalier

M. Sarrazin, chirurgien

A. Grimal

Cordier, p(rese)nt